

Comite Muer

Comitatus
Muercensis.
Situs.

Clivensis
Opidum.
Ducatus Cliven-
sis unde dictus.

Situs.
Aëris temperies.
Animalia vari-
etas.
Soli fertilitas.
Imperium Ma-
jorum.

Reverendissimi
Rodolphi
et an. 1280 / (ouil. cont. 141)
Opida.

IN hac Tabula quæ Comitatum Muercensem una cum Regionibus, Urbibus & Fluminibus, quæ potissi-
mum hunc Comitatum ambiunt, graphicè delineatum exhibet: eas duntaxat regiones describemus, quas
alibi non descripsimus: has videlicet: primum Comitatum ipsum Muercensem, deinde Ducatum Cliven-
sem, ultimo loco Iuliacensem, Comitatus Muercensis sive de Muers, vulgo Graeffschaft Muers, ab Opido cog-
nominis nomen appellationemque accepit. Ad Ortum Ducatum respicit Bergensem & Comitatum Mar-
kensem: ad Occasum Gelriam: qua Meridies est Diocesim Coloniensem & Ducatum Iuliacensem: qua Sep-
tentrione Clivensem. Ager utcumque fertilis Frumenti, ac pascuis latus. Opidum hujus Comitatus est Muers
quod regioni nomen suum communicat, è regione Duisburgi, haud procul Rheni sinistra ripa situm. Et
hæc de Comitatu Muercensi, ad Ducatum Clivensem venio. Ducatus Clivensis appellationem traxisse cre-
ditur a Clivis: exstatque ejus nominis Opidum, de quo infra, ad Rheni ripam in tribus clivosis Collibus ex-
structum. Terminatur ab Ortu Ducatu Bergensi, Comitatu Marchiæ, ac VVestphalia, a Septentrione Comi-
tatu Zutphanienti, Trans-Isalano Tractu, ac Batavia: ab Occidente Gelria & Leodiensi tractu: a Meridie Co-
tonienti & Aquisgranensi ditionibus. Regio ipsa bono & salubri aëre gaudet: Agro fertili Frumenti, ac læ-
tis pascuis. Varii generis videre hic est Animalia: atque alibi Feras varias, Apros, Meles, Vulpes, Lepores,
Cuniculos, Cervos, Feles, & Equos silvestres: Palumbium aliarumque Avium frequens Aucupium, inprimis
Perdicum, Turdorum, & Coturnicum: Anates innumerabiles, omnium denique rerum quæ ad vitam perti-
nent largam copiam. Ferunt autem Alium Gracilem quum opibus & potentia floreret in Gallia Belgica, do-
natum a Pipino & Carolo Martello ea parte Bataviæ, quæ nunc Clivia dicitur. Succedere ei ordine Theodo-
ricus, Reinbaldus, Rudolphus, Ioannes, Robertus, Balduinus, alique usque ad Ioannem qui ab Elio fuit xxvii.
In hoc desuit familia. Cooptatus tamen ab Imperatore & provincialibus in jus familiæ Adolphus qui Con-
stantiensi Consilio a Sigismundo Imperatore Dux Cliviæ dictus est, ¹⁷¹² Habet autem Ducatus iste in ora Galli-
ca Opida ista: Xantum, Santen, Opidum in sinistra Rheni ripa, olim Trajana Colonia Pighio, Vetera Pyramio,
& plerisque aliis: vetustatis ac antiquitatis multum præ se fert, quod testatur Tophus Lapis Dyrnsteen dictus,
ingenti ibidem copia ex antiquis ruinis collectus. Burichum, Burich, Opidulum è regione VVesaliæ si-
tum, felici agro & lætis pascuis gaudet. Clivia, Cleve Provinciæ caput est, Opidum celebre & vetustate sum-
ma, non procul a Rheni ripa, & ab ejus divortio, ubi expandere suos ramos, & Batavos in Insulam incipit
redigere. Cujus amplitudo magna fuit quondam, sicut ex ruderibus in agro vicino passim apparentibus
colligitur. Nomen ei Clivia quod in tribus clivosis collibus pendulum versus Rhenum panditur. Discrepat
unius duntaxat vocalis mutatione lingua popularis qua Clève nunc Opidum, ut & clivus omnis appellatur,
Imminet Rhenro in eminentissimo trium Collium, quadrata Turris præalta lataque, cū Arce longe conspicua,
quam